

新刊國朝二百家名賢文粹

新刊 國朝一百家名賢文粹卷第一百八十三

雜文

銘

白獸樽銘

并序

田諫議

君好諫則直臣進而邪臣退君好愉則佞者安而忘者危悅佚
忌忠翹足待亡邦之禍斥邪用直友掌有太平之期當晉道承
金武帝泣祚監往君之理亂詳前代之興亡思得嘉謨渴仲山
而補衮願聞讜論慕人禹之拜言於是庭設酒樽樽施白獸良
獻替之士審諤之日將欲排金門扣玉階抗忠誠吐忠諫必得
把酒漿而見志于旒冕以犯顏法膳夫之佐樽誘隋季之及雷
且佩玦者知其有斷珥貂者表其外剛招虞人以弓則不來賜
武夫以鉞則專殺皆用物以旌其意也飾外以知其內也所以
虎者取其威猛以壯其心冀無觸鱗之懼酒者取其醇和俾悅
其性以生佚心之謀所謂君誘目之諫也目合君之道也得澤

山相感之理見天地交泰之心錫以爲感之以誠則純信之士
來感之以恩則死節之士至感之以信則慷慨之士進感之以
言則鯁介之士歸故成湯待士於總街齊桓錄言於寶法皆以
降尊嚴而下卑賤示誠信而求訂謨豈不以大臣固寵則惜言
小臣怯威則懼諫苟汲善之誠未至好諫之志不專則上之過
失或未聞下之精誠有未盡則面柔曰戚施曰柔曰篋條蔽我
聰明雍我嗜慾故君欲見獸樽在下則惕惕之志不得不警戒
而守也目見獸樽在前則譟譟之心不得不憤憤而發也所謂
挹之以忠言酌之以直諫味之以醇和之德器之以公其之道
苟念終以如始慎末而固本則善旌諫鼓又何異焉夫諍諫在
乎樽而用諫由乎君且目非以直言爲難而若以從諫爲難從
諫非難辨惑爲難其有豐珍厚貨以移君心君則離法而悅之
者有悲色哀詞以移君心君則離法而憫之者有密烟近戚伊
攬相摩以移君心君則離法而感之者是知執一御衆君之明

順諫如流君之道苟異於是博書虛設因名之云

白虎之象為博之飾壯於瞻眎來其抗直雍蔽斯聞謀猷必陳
上或違道下得觸難君或拂諫臣敢愛身君臣相濟上下交親
苟忘念理惟欲是恣雖設斯博適為虛設

折檻銘

雷夏先生

朱雲折檻之說凡知書者悉之矣或謂諫而必折彰忠節也折
而不理旌直目也靜微厥由孝成未得任賢去邪之道何以旌
其直目哉張禹身為帝師手執國柄一人仰之為規模諸侯係
之于僚屬內不能舉百揆之綱外不能振兆民之領縣邪道若
前旌進巧言如莊續暖者言聾聵帝聽錮天下之良臣廷天
下之諫口元延永始之間灾眚屢見當時識者鮮不以王氏為
譏帝乃幸禹之私第議國之政事用其一言以為模範禹不能
陳正道以御災祥戮佞臣而安宗社反以空言命不語恠為奏
致成帝先慮王氏益驕泊民出謗辭上有憂色則必整衣冠露

香齋吉則喜兆凶則悲此豈翊贊之道耶手決覆亡之機躬
開社稷之路是可忍也孰不可忍也于時雲為直目身在下位
槐奔之將亂賊禹之不忠乃蹈白刃之危輕鴻毛之命鼎革非
願宗祧是圖請上方矧知不從也庶万一而得之斷使日矣折
天子權知失禮矣異再三而諫之悟時君矣孝成雖聽慶忌之
言不能戮安昌之罪徒存折檻又何益哉向使誅禹於兩觀之
前外雲於百工之上邪佞路塞忠謹源開新莽之禍何由而興
乎其嘗觀載籍本其始末見孝成之失未嘗不掩卷而歎息因
折檻為銘成於將來也銘曰

檻之既折明朱雲之忠節兮終不能折檻之不理見新室之亂
起兮亦不能理雲以折檻為忠帝以折檻為取忠而不用取實
自貽上方之劍匣而何施佞臣之頭惜而胡為任賢有貳去邪
有疑茲目日離新室以盛漢室以衰禍實自取亡其咎誰責
蓋簡歷歷可悲千古之下吊而為辭

興寧錄

晏元獻公

聖賢生東海有與室焉介乎寧向介之間氛埃不及入迹罕至
隆暑無煖展冬甚溫且又前直廳事僅十一步明窗出處聽覽
甲無無不適也無不宜也予安而樂之為作銘曰

道之行乎此室也吾之適處適之息乎此室也吾之田里于嗟
乎適處可以閱興廢可以救時書于嗟乎由里可以育妻子勤
銘在陰修德我志

擊蛇笏銘

徂徠先生

天地至大有邪氣干於其間為凶暴為殘賊聽其肆行如天地
卵育而而莫撫也人生最靈或異類出於其表焉妖怪信其異
端如人散覆之而莫露也祥符年寧州天慶觀有蛇妖極怪異
郡刺史自西至於其庭朝焉人以為龍壘州人內外遠近罔不
駭奔於門以觀恭莊肅祇无敢怠者今龍圖侍御孔公時佐幕
在是邦亦隨刺史於其庭公曰明則有禮樂幽則有鬼神是蛇

不以誣乎惑吾民亂吾俗殺無赦以手板擊其首遂斃于前則
蛇先異焉郡刺史暨州內外遠近無民昭然若發蒙見青天觀
白日故不能肆其凶殘而成其妖惑易曰是故知鬼神之情狀
公之謂乎夫天地間有純剛至正之氣或鍾於物或鍾於人人
有死物有靈此氣不滅烈烈然亘億萬世而長在在堯時為
指佞草在魯為孔子誅少正卯乃在齊在魯為董史筆在漢武
朝為東方朔卓在成帝朝為朱雲劍在東漢為張綱韜在唐為
韓愈論佛骨表亦鍾魚文為段太尉擊失此笏今為公擊蛇笏
故使人去堯德昭少正卯戮孔法舉罪類有正人懼辟崔士齊
刑明距董偃折進禹効梁翼漢室又佛老微聖德行鱗魚從廟
患息朱此傷唐朝振摧蛇死妖氣散暗天地鍾純剛至正之氣
在公之笏豈徒斃一蛇而已軒陛之下有罔上欺民先意順旨
者曰公以此笏指之廟堂之上有蔽賢蒙惡違法亂紀者曰公
以此笏麾之朝廷之內有諛容佞色附邪背正者以此笏擊之

夫如是則軒陛之下不仁者去廟堂之上無妄言動之內無
佞人則功之功也豈止在一姓公以功為任勞得公而用公其
為朝廷正人功為公之良器敢稱德王公作功銘曰

至正之氣天地則有功惟靈物功乃能受功之為物純剛正直
公惟正人公乃能得功之在公能破淫妖公之在朝讒人乃消
靈氣未竭斯功不折正道未亡斯功不藏惟公寶之烈烈其光

四言銘

司馬溫公

聰明壯勇之謂才忠信孝友之謂行正直中和之謂德深遠高
大之謂道

老翁并銘

孝泉先生

丁酉歲余卜葬上妻得武陽安鎮之山山之所從來甚高大壯
偉其末分而為兩股回轉環抱有泉公然出於兩山之間而此
附右股之下為大井可以日飲百餘家卜者曰吉是在葬書
為神之居蓋水之行與山俱山止而泉冽則山之情氣勢力

自遠而至者皆商於此而不去是可以葬無害他日乃問泉旁
之民皆曰是爲老翁井問其所以爲名之由曰往數十年山空
月明天地開霽則常有老人蒼顏白髮偃負於泉上就之則隱
而入於泉莫可見蓋其相傳以爲如此者久矣因作亭於其上
又甃石以禦水潦之暴而性性優游其間酌泉以飲之以庶幾
得見所謂老翁者以知其信否然余又聞其於荒榛蔽石之
間千歲而莫知也今乃始遇我而得傳於無窮遂爲銘曰
山起東北翼爲南西消消斯泉空溢以彌盈以爲井可飲万夫
汲者告我有叟於斯里無斯又將此謂誰山空寂寥或嘯而喜
更千万年自絜自好誰其知之乃吾遇我惟我與尔將遂不低
無溢無竭以永千祀

蓮華潭銘

東坡先生

故龍圖閣直學士禮部侍郎蘇軾公以創物之智聞於天下作
蓮華涌世服其精凡公所臨必爲之今州郡往往而在雖有巧

者莫敢損益而徐州獨用簪人衛朴所造廢法而任意有蠶而
死箭自以無自而廢天下之視使守者伺其滿則使之而更注
人莫不笑之國子博士傅君楊公之外曾孫得其法為詳其通
守是邦也實改作而請銘於載曰

人之所信者手足耳目也目識多寡手知重輕然人未有以手
量而目計者必付之於度量與權衡豈不自信而信物蓋以為
無意無我然後得万物之情故天迎之寒暑日月之晦明昆侖
旁薄於三十八萬七千里之外而不能逃於三尺之前五斗之
餅雖疾雷羅風雨雪晝晦而遲速有度不加虧贏使凡為吏者
如餅之受水不過其量如水之浮箭不失其平如箭之外降也
視時之上下隆不為辱外不為榮則民將泯然心服而寄我以
死生矣

三槐堂銘

并序

東坡先生

天可必乎賢者不必貴仁者不必壽天不可必乎仁者必有後

二者將安取衷哉吾聞之申包胥曰人衆者勝天天定亦能勝
人世之論天者皆不待其定而求之故以天爲茫茫善者以爲
惡者以爲肆盜跖之壽孔顏之厄此皆天之未定者也松栢生於
山林其初也困於蓬蒿厄於牛羊而其終也貫四時閱千歲而
不改者其天定也善惡之報至於子孫而其定也久矣吾以所
見所聞所傳聞考之而其可必也審矣國之將興必有世德之
臣厚施而不食其報然後其子孫能興守文太平之主共天下
之福故兵部侍郎晉國王公顯於漢周之際歷事太祖太宗文
武忠孝天下望以爲相而公卒以直道不容於時蓋每手植三
槐於庭曰吾子孫必者爲三公者已而其子魏國文正公相真
宗皇帝及景德祥符之間朝廷清明天下無事之時享其福祿
榮名者十有八年今夫寓物於人明日而取之有得与否而晉
公修德於身責義於天取必於數十年之後如持左契交于相
付若是以知天之果可必也善不及見魏公而見其子懿敏公

以直隸事 仁宗皇帝出入侍從將帥三十餘年位不濫其德
天將復興王氏也欤何其子孫之多賢也且有以晉公比李栖
筠者其雄才直氣真不相上下而栖筠之子吉甫其孫德裕力
名富貴略与王氏等而忠信仁厚不及魏公父子由此觀之王
氏之福蓋未艾也敬敏公之子輩與吾游好德而文以出其家
言是以錄之銘曰

嗚呼休哉魏公之業與槐俱萌封植之勤必世乃成既相真宗
四方砥平歸視其家槐陰滿庭吾儕小人朝不及夕相時射利
皇卹厥德庶幾僥倖不種而獲不有君子其何能國王城之東
晉公所廬靜養三槐惟德之符嗚呼休哉

六一泉銘 并序

東坡先生

歐陽文忠公將老自謂六一居士予昔通守錢塘見公於汝陰
而南公曰西湖僧惠勤甚文而長於詩吾嘗為山中樂三章以
贈之子間於民事求以於湖山間而不可得則往從勤乎予固

官三日訪勤於孤山之下抵掌而論人物曰公天下人也人見其
寬寓人間而不知其乘奕馭風歷五嶽而躋滄海也此邦之人
以公不一來為恨公歷年八極何所不至雖江山之勝莫適為
主而奇麗秀絕之氣常為能文者用故吾以謂西湖蓋公几案
間一物耳勤語雖幻怪而理有實然者明年公薨予哭於勤舍
又十八年予為錢塘守則勤亦化去矣訪其舊居則弟子二
仲在焉蓋公與勤之像事之如左舍下舊無泉予未至數月泉
出講堂之後孤山之趾汪然洋溢甚甘而白即其地鑿巖架石
為室三仲謂予師問公來出泉以相勞苦公可無言乎乃取勤
舊語推本其意名之曰六一泉且銘之曰

泉之出也去公數千里後公之沒十有八年而名之曰六一不
幾於誕乎曰君子之澤豈獨五世而已蓋得其人則可至於百
傳寧試與子登孤山而望吳越歌山中之樂而飲此水則公之
遺風餘烈亦或見於斯泉云

德威堂銘

東坡先生

元祐之初詔起太師路公於洛命以重事公惟仁宗英宗神考
二聖眷倚之重不敢以既老為辭杖而造朝期年乃求去詔曰
昔西伯善養耆老而太公自至魯穆公無人乎子思之側則長者
去之公自為謀則善矣獨不為朝廷惜乎又曰唐太宗以干戈
之事尚能起李靖於既老而穆宗文宗以燕安之際不能用裴
度於未病治亂之効於斯可見公讀詔奮焉不敢言去蓋復留
四年天下無事朝廷莫安乃力請而歸公之在朝契丹使耶律
承昌劉霄來聘載奉詔館安與使者入覲望見公殿門外却立
改容曰此潞公也耶所謂以德服人者問其年曰何壯也執曰
使者見其容未聞其語其總理庶務酬酢事物雖精練少年有
不及貫穿古今洽聞強記雖專門名家有不逮使者拱手曰天
下異人也公既歸洛西走首領有溫嘆心者請於邊吏願獻良
馬於公邊吏以聞詔聽之公公報天下至于四夷書曰德威惟

畏德明惟明所以守伯夷之典用皇陶之法者以其德也若夫
非德之威雖猛而人不畏非德之明雖察而人不服公修德於
几席之上而其威折衝於方里之外退居於家而人望之如在
廊廟可不謂德威乎公之子及為河陽守公將往臨之吏民喜
甚自洛至城歡呼之聲相屬及作堂以待公而請銘於軾乃榜
之曰德威而銘之曰

德威惟畏德明惟明惟師潞公張也大成公在洛師嵩洛有光
駕言三城河流不揚願公百年子孫千億家于兩河日見顏色
西戎來朝抵潞公門豈惟西河四方其訓之

漢鼎銘

東坡先生

禹鑄九鼎用器也初不以為寶象物以飾之亦非所以使民遠
不若也武王遷洛邑蓋已見笑於伯夷叔齊矣方周之威也鼎
為宗廟之觀美而已及其衰也為周之患有不可勝言者凡天
先罪懷璧其罪周之衰也與匹夫何異嗟夫孰知九鼎之為周

之角齒也哉自春秋時楚莊王始問其輕重大小而戰國之際秦興齊楚皆欲之周人憚憚焉視三虎之垂涎而睨已也絕周之祀足以致寇裂周之地不足以肥國然三國之君未嘗一日而忘周者以寶在焉故也三國爭之周人莫知其所適與得鼎者未必能存周不得者必碎之此九鼎之所以亡也周顯王之四十四年宋太丘社亡而鼎淪沒於泗水此周人毀鼎以緩禍而假神妖以爲之說也秦始皇漢武帝乃始萬方以出鼎此與兒童之見無異善夫吾丘壽王之說也曰汾陰之鼎漢鼎也非周鼎也夫周有鼎漢亦有鼎此易所謂正位凝命者豈三趾兩耳之謂哉恨壽王小子方以說進不能究其義余故作漢鼎銘以遺後世君子其詞曰

惟五帝三代及秦漢以來受命之君歷不有茲鼎鼎存而昌鼎亡而亡蓋鼎必先壞而國隨之豈有易姓而鼎猶傳者乎不寶此器而拳拳於一物孺子之知婦人之仁嗚呼悲夫

九成臺銘

東坡先生

韶州太守狄咸新作九成臺玉局散吏為之銘曰

自秦并天下滅禮樂韶之不作蓋千二百一十有三年矣其器存其人士則韶既已隱矣而况於人器兩忘而不傳雖然韶則亡矣而有不亡者存蓋嘗與日月寒暑晦明風雨並行乎天地之間世无南郭子綦則耳未嘗聞地籟也而况得聞其天使耳聞天籟則凡有形有數者皆吾羽旄干戚箏磬匏絃嘗識與子登夫韶石之上舜峯之下望蒼梧之渺莽九疑之黯黯綿覽觀江山之吐吞草木之俯仰鳥獸之鳴號衆數之呼吸往來唱和非有度數而鈞節自成者非韶之大全乎上方立極以安天下人和而氣應氣應而樂作則夫所謂籟韶九成儀鳳凰而舞百獸者既已粲然畢陳於前矣建中靖國元年正月旦日

思無邪齋銘

東坡先生

東坡居士罔法於子由于圭戒以佛語曰本覺必明無明明覺

居士欣然有得於孔子之言曰詩三百一言以蔽之曰思無邪夫有思皆邪也無思則土木也吾何自得道其惟有思而無所思乎於是幅巾危坐終日不言明目直視而無所見攝心正念而無所覺於是得道乃名其齋曰思無邪而銘之曰
大患緣有身無身則無病寧然自圓明鏡鏡非我鏡如以水洗水二水同一淨浩然天地間惟我獨也正

六祖卓錫泉銘

穎濱先生

六祖初住曹溪卓錫泉湧清涼滑甘澹足大衆迄今數百年矣或時小竭則衆汲于山下今長老辯公住山四歲泉日湧溢衆嗟異之聞之作銘曰

祖師無心心外無學有來叩者雲湧泉落問何從來初無所從若有從處來則有窮初住南華衆集湏水水性融會豈有無理引錫指石寒泉自冽衆渴得飲如我說法去何至今有溢有枯泉無溢枯蓋其人乎辯來四年泉水洋洋其爰濯漸飲及牛羊

手不病汲有不病負匏刀瓦缶莫知其故我不求水水則許我
訕于祖師其亦可哉

言銘

黃陵先生

昔余嘗有言矣而不知售言之難也及人有言於余而後知售
言之難而余猶在小人也然人之言于余皆非甚過而余猶不
能虛以容於不既況余嘗實刺中人所甚病幸而及君子則余
復何言不幸如余等小人則余之獲罪於人多矣作銘自誦且
戒多言是可誦已且可戒已銘曰

子必於賢人之於賢胡有言人之爲言非子然人必爲言胡得
焉舍旃舍旃子以爲言胡恤焉人不必賢於不必賢胡有言子
以爲言雖子然子之爲言胡得焉舍旃舍旃人之爲言胡獲焉

顏樂亭銘

明道先生

天之生民是爲物則非學非師孰覺孰識聖賢之分古其難明
有孔之遇有顏之生聖以道化賢以學行萬世心目破昏爲醒

周爰闕里爲顏舊址巷汚以榛井堙而祀鄉閭岌岌弗視弗養
有卓其誰師門之嗣追古念今有惻其心良賈善誦發帑以金
巷治以闢井潔而深清泉澤物佳木成陰載基載落享百顏樂
昔人有心予付予度千載之上顏惟孔學百世之下顏居孔作
盛德弥光風流日長道之無疆古今所常水不泐廢地不忍荒
嗚呼正學其何可忘

克己銘

伊川先生

凡厥有生均氣同躋胡爲不仁我則有己立己與物私爲町畦
勝心橫生擾擾不齊大人存誠心見帝則初無吝驕作我彘賊
志以爲帥氣爲卒徒奉辭于天誰敢侮予方其未克窘我室廬
婦姑勃蹊安取厥餘已所克之皇皇四達洞然八方皆在我闥
孰曰天下不歸吾仁痒痲疼痛舉切吾身一日至之數非吾事
願何人哉晞之則是

陽武重復門銘

王學士元鼎

熙寧三年四月李侯治陽武既久矣厥政大修上下咸穆乃興
庶役之當治者首徹縣門而新之民不知有浸而工告畢於是
侯為循吏矣天子明聖照知天下之能否至於幽荒遐阻莫之
或遺而侯之在畿內如此吾疑侯且將見不又於茲也為之銘曰
惟帝畿土有邑陽武百年今推厥棟宇遺特惟庶有賢獻甫
歟而循之庶政具舉曰居不敬俾民曷瞻乃以其四弗亟弗淹
重罪曉闢有垣而直莫有甘來布令之德雅首感仰榮以華傍
既高且明令德是象他山之石爰伐爰刻有來繼侯視今之式

三坊閣銘

前銘先生

謾天為難限絕當路梯深万折下不見土赳赳敢前恐懼成步
鳥飛易落風死不御嗟行之人寄命綫縷化生三易神在戶谷
由澤中來自堂上去鴛肩踏背車馬風雨旁觀俯窺無有支柱
龍門上過枯栢阻度安知此間無所於處彼危繩牽初豈不慮
方來繼之猶一旦暮貽動終終禍同宇三公五師三公受

如其人在何千萬古示攸司勿廢規矩

書銘

龜山先生

金其英如其寶精于思貫于一

新刊國朝三百家名賢文粹卷第一百八十三

(木) (木)

新刊國朝一百家名賢文粹卷第一百八十四

雜文

銘二

掩關銘并序

淮海先生

元豐初舉進士不中退居高郵杜門却掃以詩書自娛乃作掩關之銘其辭曰

門有橫衢兮蹄踵聯世不我謀兮地自偏渾沌是師兮機械捐何以玩心兮有討論撞架方軸兮星宿懸口陰自彼兮游聖賢偶與意會兮欣志食植芳樹美兮亦既蕃茂樓博虎兮更衆難自覈不迷兮邀考槃塞民多蹇兮戒來全高明家室兮鬼安喧速成亟壞兮理則然曼曼荆棘兮上造天奠祗磨牙兮交術肝勿應其求兮猶深寃權關自娛兮鮮憂患救數水飲兮親悅歡優哉游哉兮聊永年

晦迹齋銘

後山居士

昔之處者以晦而明惟有其實不辭其名學而積之問以發疑
入則已矣我則以思惟其好之孰不告之寧也有至是以勞之

王鑒銘

王尚書子飛

臣竊惟神宗皇帝躬睿智聰明之德稽古創法取成于心儲精
七閩之間刻革百王之陋至於樂律雅垂意焉元豐中出內府
良工詔俾因工作編磬十六色旃圭璧聲諧咸列於宮垂以
備雅樂皇帝即位之明年郊見上帝乃即圓立設而奏之其音
將將清越以長出乎衆樂之上於以格天聽之崇高通百靈之
貺靈人神允懷莫不夷譯大樂不作久矣在漢六世垂詔丁寧
深悼廢缺迨其後嗣偶獲古磬於樓為卒皆泯默罔有建立夫
治成則樂興功大則樂備苟元其德疇克擬議聖作明述曾其
難哉宋興百年海內乂寧太平之功實大備於神考是惟作樂
易成之時蓋勢本用石聲清而難諧自商周之論樂必至磬而
後成矧沉幾獨運肇有制作琅玉以振之超絕千古以象聖明

之治則不世之偉功巍巍煌煌竦動瞻拜肆陛下駿惠前烈不
揚顯設之震赫一時爲國寶器惟億万年永觀厥成日久沐著
澤獲執翰墨觀曠古盛德事不能銘著厥美播傳無窮使盤量
之微獨光簡冊且之罪也詎敢以持技淺陋不足自効爲解謹
拜手稽首而獻銘曰

樂本出虛通乎一氣播爲八物乃寓於器維磬之清資玉之粹
合以爲用其聲可貴愛重千載雅奏斯廢聖不有作器焉能備
於皇神宗天縱大智達樂之本閱音之微陋彼擊石聿新嚴政
乃眷內府襲藏美璞疇若干工考古追昔昆吾之銳錫貢之錯
載攻載治審中矩矚獻成于庭物采華設羽簾崇牙二八儼列
有煥其容孚尹濯潔有錫其鳴悠遠清越終焉條理衆樂應節
嚴祀郊廟會朝百辟煌煌金鍾交奏並擊神人以和祖考來格
乃方諧熙協氣充塞惟樂之成形容盛德巍巍元豐百度之飭
磬以象治太平之極在昔虞舜循堯之道典樂命夔鳴球是寶

穆穆天子通追列考調欽上帝修崇大報乃奏斯聲式昭達孝
經若龍音德隆覆壽下目銘之万世是詔

企武閣銘

王臺先生

溫江蘇國士企先於東郊別墅創為小閣前有脩竹後有流水
予名之曰企武而為之銘曰

淇水湯湯綠竹猗猗武公之德託興在茲圭璧之質琢磨成器
顧子百年惟武是以

耘業齋銘

蘭陵孫公

臨川鄒氏世以儒孝名家而少魏好書尤篤日孜孜焉專求其
所好文章清麗有曲則如其為人嘗治一齋業書其間名之曰
耘業取韓公詩所謂勉哉耘其業以待歲晚收之意而以書抵
故入孫其徵銘銘曰

我行其野原田膺膺蓬艾生之化為草莽牛山之美在物皆然
若是濯濯夫豈其天孰亂吾苗非其種者滅裂報子固其所也

我有尺澤聖王之田種德載善豈三無年大哉乎心不能以寸
神而明之與天地準異端曲幸扶聖之書述揚述墨卒歸于簡
留之闢之敘華擬實采采新田有苑其特我倉既盈三百維園
紅腐相因以發陳陳

擬夏禹九鼎銘

橫浦先生

聖人制作与造化同其妙豈私智淺識所能窺見哉夫世所常
見者雖日月民不以為奇世所不見者雖家璞民自以為怪昔
大禹治水行九山涉九川窮幽極遠探奇搜怪睹殊形異狀牛
鬼蛇神可以驚世駭俗者衆也以謂方物之靈惟人為大故遠
方圖物貢金九牧鑄鼎象之且蒼頡制字而鬼哭以得其形則
无以見其神也圖象在鼎其形已見矣其復能為乎其意欲使
人自人神自神不相雜擾各得其所伊尹識之故贊其德曰古
有夏先后方懋厥德罔有天灾山川鬼神亦莫不寧暨鳥獸魚
鼈咸若至禹鑄鼎象物表章為之銘曰

天地之中惟人為大。人為神勝為薛為怪。元后聰明實久之靈。制神與人。不相侵凌。乃鑄九鼎。畫圖神效殊形。詭狀莫或作難。潛迹深匿。散後其形。民入山林。元復震驚。在易之鼎卦。畫至精。豈徒觀美義。畫大烹調。和四海。以養聖賢神人。莫位事有後先。鳥獸魚鼈。亦遂微性。至哉神禹。執此之令。傳諸後世。所尚者德。蠢爾亦荆。為周之賊。王孫所對。逆折。焚心。鼎有存沒。德元古今。咨尔後王。元幻鬼神。方懋厥德。与禹同倫。

用易堂銘

西山先生

先君康節以孟子善用易其誦數句讀後節又義為區區若望夫子孟子死千四百余年未聞斯言也作用易堂為之銘曰
皇初生久其界甚速類邦知廣廢於狹淺曰孟氏卒不名一善
天地我尔聞臨幽顯万生所資何述可見世固不識疑以為辯
嗚呼大哉合易之變

曾省堂銘

西山先生

吾讀孔氏遺書大孝孝記論致知格物之孝廣矣若可蔽以一言曰誠子曾子以之作曾省堂爲之銘曰

曾氏之孝以誠爲質揆此三德是謂不欺故於其一有唯弗疑爲儒眩世乱以恠苛繆爲恭敬其中實非我銘斯堂雖管是師

起文堂銘

西山先生

謂三代之文涉漢唐後起者亦難自之人也至起於吾國中則自眉山蘇氏云維也邵傳爲其刊作起文堂銘曰

惟皇於文收之三古以委以興弗大其子乃省眉山曷煥茲宇降以異人采悉可其取挽季之却以前父父震於大旌揚聲万夷置之陽海魚龍掀舞隘彼下方返之帝所後有千祀外亦九土俟其後來豈我能覩欲近不可此悲孰語尚識一鄉並起齊魯

悅心堂銘

箕山先生

予來通守清江有燕坐之堂其名悅心予忘而歎曰此予孟子所謂孔義之悅我心猶芻豢之悅我口者耶登茲堂者誠不忘此

則安有徇利而傷義哉身以敗名也哉因推廣其意而為之銘
庶覽者易以知焉銘曰

輕暖於臍肥甘於口而縛為俟繫籠為隨均於其心視此何有
反徇彼好而喪其守與自崇朝惟財是議園厚厥家以悅口臍
世或謂賢事主以利相去豈遠間不能咫尺以濟衆內以禁非
心之所安乃獨不知及于顛沛百憂萃之孰云天君曾如是為
凡茲登堂汝惡且俊善哉其名有揭在前居而弗曰其真識其然
哉勒斯文百世之傳

尊泉銘

觀世先生

齊國趙君善時兄弟實襄公事役者鼎病遠汲於是時得泉東
岡之下觀者異焉去墓纔二十步始遇之沮洳榛蕭間意而錯
之雲蒸玉冽一聚言甘也明日以告余求名焉銘故為銘其所
以欲得者用身名之而為之銘銘曰

誰作斯泉于彼幽區我儀身之占易之蒙方其在蒙尊亦不知

剖士出王世鄙謂時及其既出匪求來即我故以其沙三其勝
清明在躬不營其司我告趙子以泉為師

誠齋銘

同前

令狐生作齋曰誠謂余知道之在誠者為可以銘則亦齋銘予
亦知生有意於誠可與銘也是為之銘銘曰

孰不師聖而以自賢究其宿歸背越而燕夫豈不誠實誠使然
惟古謀人先事而計譬諸飲食視有生死以疾為閉以物為使
不譏而納敗乃翁事又如動兵勝力負秋毫謀而後戰不戰而逃
孟有申韓爰一祖祚或去或來為其所使惟道在誠惟誠在精
武序進之玩我此銘

放言齋銘

同前

危言書雲之上面折廷諍幸而成功是君堯舜不然其亦何益
茲謂狂病切議風波之後翕翕訛訛不吐而攻甚者信稀至於
見人則逃乃似鼠子是以不如隱居放言與時相護不止不競

不驚不吝雖然勿為處主之橫議招世議而絕道根

好學齋銘

同前

不離其好其少強其少不吝惟不若食大官牛羊脂饒厭足飽滿掉
手以遊人或不知其以為熾自四而三象者見望趙而韓其明巍巍或等以素或
慚而進人亦為頑彼寔心勞惟是好學之士方獲至山未見畔岸渠一輩之貴不夜

誠齋銘

方舟先生

子思子誠明似三事為聖賢入道深淺之候學者豈可躐至如
人飲食言口腹所受有不可強而誠之淺深見矣今狐大受以
誠名齋景後卿為之記賁人李石作銘曰

彼孰為物孰搏形似彼孰為誠於身為是夫豈不知是有四體
一指不伸隱憂厥中是有誠孰搏則空彼空非物守以吾躬
躬之所基忠信孝友人且無疑日用引又豈無水旱曰哉其有
父母師保倚為輔作誠歸此齋舉東高閣發之羣其歲之山岳
何必讀書以身為學

自牧齋銘

方舟先生

謹上喻謙以謙名以為未足又以自牧名其讀書之室曰非取

躍取也於謙願學焉李石嘉其果於謙也為銘諸銘曰

唯謙能尊唯尊能卑本自不尊卑卑之為兩學之初自謙之基

自之一身以繫以羈如彼牛羊勿佚勿遺爾學爾牧恐然來思

汝今誰自驚乎四支空腹說食困渴飢局不多學為其歲時

是之既尊牧以自持未卑而牧謙則誰欺六畫之一謙學之辭

敬齋銘

南軒先生

乾道四年建安劉公自樞庭止鎮豫章闢室於東山之側朝夕

燕處扁曰敬齋廣漢張某聞而歎曰公之志遠矣夫敬者居心

之要而聖學之淵源也敢為之銘以廣其意銘曰

天生斯人良心則存聖愚局異敬肆是分事有方變統乎心君

一類其綱泯然終焚自昔先民脩己以敬克持其身順保常性

敬匪有加惟王乎是履

不昧厥理事至理形其應若響

而實卓然不與俱往動靜不違體用無惑惟敬之功協乎天德
嗟爾君子敬之敬之用力之久其惟自知勿憚其艱而或怠違
亦勿迫切而不以常毋忽事物必精吾思察其所發以會于微
忿慾之萌其源有萌有過斯改見善則遷是則天命不遠于躬
魚躍爲飛仁在其中於焉有得學則不窮知至而至知終而終
嗟爾君子勉哉正已成已成物匪曰二致任重道遠其端伊邇
其鑒有差繆則千里惟建安公自力古義我作銘詩以詒同志

蒙齋銘

南軒先生

番陽余端蒙請予銘蒙齋至于再三予未有以言也它日因有
感于果行育德之義乃爲之辭曰乾坤既畫八卦是生八卦相
乘万象以明下坎上艮其卦曰蒙其蒙由何源泉在中泉之始
萌其行未達泉則未達而理孰過君子體之于以果行肅勉躬
行動畏天命泉之始萌其勢則止止乃曰澄源二星已君子體
之于以育德篤敬不渝靜仁天則惟養乎中大本攸立維敏

外達道收飭内外交修相須以成久而有常則能日新其德
齋敢越斯義惟書之難寶以自厲凡百君子有觀於斯毋不
近尚其懋之

主一齋銘

南軒先生

成都范文叔以主一名齋予嘉其志為銘以勉之入之心物何
危紛百慮幾千岐惟君子克自持正衣冠攝威儀謹以整嚴若
思主于一復何之事物來審其機應以專匪可多理在我寧彼
隨積之久昭朕微靜不偏動靡違嗟勉哉自述卑情勿替其在茲

傳心閣銘

南軒先生

乾道九年知南劍州尤溪縣事石敷既新其縣之學復廣閣于
學之東北買書五千卷藏之其上而命工人繪濂溪周先生河
南二程先生之像直乎其中使學者得以朝夕瞻仰焉新安朱
熹為之銘曰傳心之閣而整又以書請銘于廣漢張某某切惟
念自孟子沒聖學失傳歷世久遠其間儒者非不知尊孔孟而

猶六經至者其所得則不越於古訓文義之間而已於聖人之
心所以本諸天地而措諸天下與來世者蓋鮮克涉其藩而況
睹其大全者哉惟三先生生乎千載之後乃能考諸遺經而得
其不傳之妙以相授受然後六經之言羣聖之心全體大用晦
而復明如日之中万目皆覩嗚呼盛矣其淵不敏夙嚮往焉敢
以建閣之意命名之說洗心拜手叙而銘之銘曰

惟民之生厥有彝性情動物遷以順厥命惟聖有作純乎天心
修道立教以覺來今孰謂道遠始卒具陳俾爾由學而聖可成
鄒魯云雖章句有師一經皓首語道則迷惟子周子崛起千載
孰探其源以識其大立象盡意闡幽明微聖學有傳不曰在茲
惟二程子實闡其微既自得之又光大之有渾其全則無不總
有所其精則無不中曰辨曰用著察不遺曰隱曰顯莫間其幾
於皇聖心如日有融於赫心傳來者所宗有屹斯閣尤溪之濱
翼翼三子繪事孔明儼然其秋溫然其春揭名傳心詔尔後人

咨爾後人來拜于前起敬起慕之志其傳于味其言于考其爲
幹于爾躬以會其歸爾之幹矣循其至而不之至矣道豈異而
傳心之名千古不渝咨爾後人無替厥初

良齋銘

南軒先生

良齋建安魏元履無居之室也在易艮為止止其所也某嘗考
大學始終之序以知止爲始得其所止爲終而知止則有道矣
易與大學其義一也敬爲之銘曰

物之感人其端無窮人爲物誘欲動乎中不能反躬殆滅天理
聖昭厥猷在知所止天心粹然道義俱全是曰至善万化之源
人所固存易自違之求之有道夫何遠而四端之著我則察之
豈惟慮思躬以達之功成力到大幹可明匪由外鑠如春發生
知既至矣必由其知造次克念戰兢自持事物雖衆各循其則
其則匪他吾性之德動靜以時光明篤實艮止之妙於斯爲得
任重道遠時不我留嗟我同志勉哉勿沐絜我小子懼弗克力

咨爾同志以起以極

克齋銘

南軒先生

夫子告顏子以克己復禮為仁楊子雲曰勝己之私之謂克子雲蓋未知所以為克者故其言迫切而不近廣漢張氏曰夫子所以告顏子乃終之之事學者必卓然有見而後可以用力於克也清江陳擇之燕居之齋曰克敢衍其義而為之銘曰

惟人之生必乾母坤允受其中天命則存血氣之萌物必動誘日削月朘意鮮能久越其營為匪我之自營營四馳擾擾萬事聖有謨訓克己是宜其克伊何本乎致知其致伊何極物是期動靜以察晨夕以思良知固有匪緣事物卓然獨見我心昭日月格知至万理可窮請事克己日新其功莫險於人欲吾平之莫危於人心我其安之我視我聽勿蔽勿疏我言我動是出是由涵濡泳游不競不緣允蹈舜則靡息居敬信矣既克曰人而天悠久無疆匪然而然為仁之功於斯甚至我稽古人其端

顏氏於穆聖學具有始終循循不舍與天同功請先致知以事
克己仁遠乎哉勉旃吾子

益齋銘并序

洪內翰

閩中劉先生以易得官閩之言易者得意道之吾兄景陽侍叔父
奉吏居建安三年益從劉游得要領能為人誦說既歸碎所
居為齋萃群書讀之取於其經而名曰益顧弟邁曰為我識之
邁未嘗為易不能言而吾兄之旨不可拒則為銘曰

左詩右書組華醴腴景陽之居嗜書如飢救過如食景陽之益
腐輔嗣之脣其說嚴其濡客齋之管維以銘之

新刊國朝二百家名賢文粹卷第一百八十四

新刊 國朝一百家名賢文粹卷第一百八十五

雜文

箴一

五箴

河東先生

柳子厚志近于古人異乎時俗之所聞見欲明其道也不肯
忽焉作晦箴柳子每作事慮其不思而有所以失作想箴柳
子言居者以居於世也病乎人有固其事而異其心也同者
即與居之異者即與去之作是箴柳子病淺無淵大之德使
人目而見之輕而習之卒成小人也君子之棄耳作淺箴柳
子好直人有過者以直言攻之使易其不善而格於善衆不
克從反謂狂野懼以直得辱作直箴其大意復言於後序

晦箴

道之明有時而晦道之晦有時而晦維晦維明與世謙盈明不
可苟晦不可捨苟之則妄作乎中捨之則患生其下故聖人有

去用行捨藏者惟我與汝也

思箴

動靜以順思而為正苟若不思汝所以病汝謹其心庶事咸欽
出之與處必思其故默之與語勿使於誤機思於密所發不失
行思於脩惟汝之休道思於勤姑德之鄰思執其志思端其容
思而思久君子之風

居箴

不我之徒何所與居小入為誠同利異謀異謀之大彼相賊害
雖與交兄亦偽其情能人其面能獸其心汝若是也我愧乃深
不與汝處不與汝語

淺箴

山之淺松柏不茂焉水之淺蛟龍不生焉世之淺忠良不輔焉
人之淺道德不存焉淺之若是我所以棄

直箴

天子有言直近于仁以直化衆先直其身排斥皆佞是非歸真
直而不剛汝奚以去小人不知反以爲狂謦言成市姦惡其良
於是小人子心其傷得直而直斯直孔碩直之在曲斯直反辱
爲直之義我有廢理

後序

知機而不能變不神也有患而不能遠于已其爲愚不肖也
甚矣聖人所重者機見于未兆患室于未亂終百世而考天
命也胡去哉余自謂得聖人之道游於畛域之中雖未列軒
轅之間亦與世異尚也身遠于位言之民未信也化之民莫
從也病阨于鄉之中鄉之無貴賤耆老童稚之輩咸鄙方以
小之違之歸于他邑又不可也太夫人老而疾家貧不足給
其養世無孔子之徒吾何坦然安于是哉日慮禍傾于身遂
反而求之得五箴以自規焉

君民人之綱也仁義人之宅也是以緣情制禮因事立法此曠古聖賢宅人之典也故立法不易者為經利事可師者為傳此又垂訓示人之深旨也若子產之明子賤之恕西門生之猛皆宗王仁義合附民欲三之不欺于斯傳矣某心愛仁義力趣聖域常謂誠不至而師古者惑也誠至而事異者泥也未若輔諸道求諸心行之不回久而必至齒仕已來求望弥篤三之不欺獨因心出上不敢欺君下不敢欺民中不敢欺心書帶鏤誠用以自勗豈古人之所未知將後生之所為妄也乃為箴曰

古三不欺恕猛以明休民為宅與立作程今三不欺君民心今誠人所及胡用言之剋欲自刺效為身規君道湛然曰道乾乾謂君私已是謂欺天民生強強惟賢是資欺狂以勢仁者不為心為道源執之誠難利亦易誘私亦易干一失其正名辱身殘惟恭惟懼心焉是刊庶幾茲世無著厥官

懼箴并序

余幼荷父母之訓長師聖人之道必純必信用慶於心年甫弱冠始接人事事茲而人鮮有通者豈為善之未至耶將李不知乎愛耶退而省己作懼箴以自勗

口乃禍府交為禍媒交莫浪合口宜慎開導我之得乎論然而去絲然而來誘我之失也錚若破缶駘如驚雷墨淺狹以自播豈眾民之喧極苟非洗慮以內觀兮如乳兒之抵虎他人何由其怪哀不切懼惕徒飛嫌猜其敗已也又何尤哉

編箴并序

張忠定公

編之於名不通也內德既編君子之道何由外通矣編子作箴欲自編去

百行同轍一編則缺編以敗德為主患之大者有數方緣交奔有逆有諛執謙為都鄙禮為府編既不生患將焉舉人則有親出則有君為政在直疑如北辰奉親或編子道是論事君或編

臣即不伸臨政或偏檢害下民匪惟害民抑亦毀身存忠積懼
久然道真又嗟古人忠於為臣妙謀正諫暗投於君不自蘊遏
迷禍厥身是以屈原流於湘濱德與行先昭如戴天駕行不廢
坦為真賢或道隨俗變心為利遷辱身敗教偏小人焉商韓之
輩死其宜然人生碌碌人心反覆有人不持道於窮谷智困於
樞仁固不足伊余小人生三十春盡力聖教窮奇古人道豈易
荷性將難馴諒茲生之何去獨箴補於其身

相箴并序

田諫議

智周萬物曰聖道濟萬民曰賢聖乃君德也賢亦君德也然
天無二日土無二主故聖人立則賢者事之賢者立則聖人
一事之周公相成王乃以聖事賢者也仲虺相成湯乃以賢事
聖者也舜禹在十六相之間即以聖事聖者也高宗命相稱
若金用爾為礪若旱用爾為霖若和羹用爾為鹽梅若濟用
用爾為舟楫此得命相之大旨也昔管仲相桓公也以陽用

善擯贊之禮請立為司賔以審威能祿攝之政請立為司田
以賔賔無明於刑法請立為大理以王子城父諳於戰陳請
立為大司馬以東郭牙忠鯁謹直請立為大諫乃曰君欲理
國強兵則五子在焉若欲霸王則夷吾在此此乃得為相之
大體也是知宰相所居者國之大位所務者國之大事所憂
者國之大難所理者國之大柄曰職如網罟也群官若縻挾
也提綱則網罟不紊舉領則縻挾自整所謂聖霸王之器授
於聖哲之主也故陳平不言細務而吉耻按小吏所以府無
鈐閣而不施關示而邦國大同也不於衆務之有隔也許抑
閔以白事呼宜祿以立聞是表宰相之貴異於臣寮之貴也
宰相之職一於帝王之職也君在座見宰相則起贊拜者揖
而告之君在車見宰相則下贊禮者導而告之故伊尹謂之
阿衡呂望謂之尚父聖人所以隆其禮若是也貴其才亦然
也所任非輕所責亦重若天地有大變邦國有大災則引名

責躬謝病免職天下知其隆貴而不知其憂勞受其陶鎔而不知其功業五帝之時人謹事約故宰相得致其理三季而下俗薄文弊故宰相尤勞其精昔玄宗用姚崇宋璟則開元之初天下康濟用林甫國患則天寶之末海內喪亂豈獨臣之過也抑亦君心之大也當憂勤之時則逆鱗犯顏之臣謂之忠盡而聽納也及安逸之後則苦口沃心之諫謂之狂妄而厭聞也豈徒然哉昔魏徵相太宗也以抗直克保其終憲宗之用李絳也以剛正不得其死蓋君臣之際委遇方深則謠謗生焉禍難起焉讒言不行則亡首竊發豈唯正直忌於衆自抑亦富貴搖於人心王涯遂死於疑兵竇參亦逢於刺客是知為相不易為君亦難不惑讒疑君之難也不事富貴相之不易也德宗勤儉之令主也惑於讒疑替登才略之賢相也溺於富貴故宰相所先者才略所重者識量劉禹永克平內難唐休璟善利邊功乃才略者也張九齡請誅祿山妻

師德爲薦仁傑乃識量者也。有量則深沉而難測，有識則敏
速於先見。使玄宗用九齡之言，則祿山之亂不生矣。使天后
不言師德之薦，則仁傑之明未知矣。夫俾人遷善遠罪而不
自覺者，禮也。致君去危就安而不自悟者，賢相也。蓋弭亂於
未形，制理於未兆，羣官但受其節制，萬機莫測於運用也。黃
閣之下，敢獻箴曰：

惟天有斗，幹運化機。日月五緯，陰陽四時。止柄所指，隨其推移。
惟君有相，調燮天下。朝廷百揆，天地萬化。政柄所指，隨其強霸。
一國具瞻，三台之象。所務才略，所先識量。量若不寬，不能容衆。
識若不明，不堪大用。才若不良，不堪任重。智若不深，不謀公共。
識量才智，爲相之器。禮樂征伐，爲相之轡。按轡理人，利器事君。
獻替輔弼，啓沃經綸。乃成大業，乃集大勲。堯得元凱，垂衣而理。
湯得伊尹，順人而起。漢得良平，亂略乃弭。唐得房魏，王道如砥。
君之股肱，祿既厚焉。君之耳目，貴亦極焉。祿厚驕生，貴極忘選。

延齡謂上林甫忌賢元載等龍舌用弄權衆索位卑不敢抗言
百官懼備誰肯犯顏說順火矣傾亡忽然世習相近始終勿渝
建賢爲黨道則不孤至公爲任身則无虞民既富壽物亦昭蘇
往生不佞敢告僕夫

將箴并序

田諫議

聖人能撫將良將能御兵御得其道則運籌料敵留侯運籌
知彼我勝敗如觀掌上王剪攻於荆土非六十萬不足禦敵
晉宣圖於壽春非三百日不足用兵其籌料本末若是之審
也然而有謀而遲緩者將之病也有謀而心速者將之病也
故軍志曰智而心怯可窘也急而心速可久也有驟勝則驕
不可不戒也有驟勝則怠不可不備也項梁敗於定陶驟勝
而驕者也庸人敗於臨品驟勝而怠者也能理其偏材知其
所病戒其驕怠是謂知於爲將也伊尹呂望王者之將也郊
穀管仲霸主之將也孫武之將也其材不同同歸

于料敵其功不同同歸於用謀謀既素定戰無不克故武侯
以葛巾羽扇指麾三軍羊祜以輕裘緩帶撓提萬旅謝安知
合肥之勝對碁自若宋武知外水之宜封函預言其何然哉
蓋所料無失而理當必捷者也雖古五帝有武備而無所用
是謂善師不陣者也湯武之舉是謂善陣不戰者也桓文之
舉是謂善戰不敗者也錫以為制理於未亂即善師不陣者
也制勝於未戰即善陣不戰者也得機於一時則善戰不敗
者也又何必桓文之師不及湯武之舉乎湯武之舉不及五
帝之有備乎韓信以天書定燕亦善師不戰者也穆子以全
城克敵亦善陣不戰者也但務察機在目料敵在心自嚴將
軍之令不受天子之詔為將之道盡矣嗚呼機者難得而易
失功者難成而易敗不可以圖富貴而欲為將也不可以愛
威嚴而欲為將也有全材受君之命可以無全材辭君之命
可也不可以已之好尚而欲陷民於鋒刃三軍之起千里趨

戰一國奉獻萬民陞阮元應機之速破敵之急血膏野草尸
擁流水而將帥自以爲功名以爲富貴以爲嚴威以爲便利
可不測隱乎可不咨嗟乎况勝不可保素紹敗於官渡衆不
可恃馬服挫於長平皆圖功貪名之過無刑亂變民之心加
有私忿謀逆者有幸亂而叛者如漢之黥布韓王信即私忿
謀逆之人也晉之王敦桓玄即幸亂以叛之人也輕士卒之
死命爲營怨之保志可不爲傷心哉且周之饑也伐商而年
豐衛之旱也伐邢而降雨豈徒順於人欲抑亦合於天意是
謂天人合發萬變定機乎欲期將帥之臣先本仁信之用故
作箴曰

兵者凶器戰者危事國有外患君先釋帥受服於廟授鉞於次
鑿門而出建牙指敵一國所仰三軍以律苟非將材必自敗績
先以仁信次以智勇勇則三軍增氣智則謀慮必中信則賞罰
無黨仁則甘苦必共夫德智未明仁勇或虧難保強勝必致傾危

天之雷霆鑿鑿焉為威國之征討弔民為辭晉文伐原以信為機
漢祖約法以仁為機羊祜近吳以禮為機韓信襲齊以智為機
呂蒙得羽以恩為機合右符契不差毫釐叛者伐之服者捨之
亂者平之兇者戮之譎詭有時不可常施殘忍非仁不可念茲
苟違斯理是奉其私

新刊 國朝 百家名賢文粹卷第一百八十五

新刊 國朝二百家名賢文粹卷第一百八十六

雜文

箴二

勇箴

司馬溫公

何爲而正至誠則正何爲而勇蹈正則勇至貴之材心動則回
臨義不疑嗚呼回哉

逸箴

司馬溫公

百仞之木生本秋毫德隨於隋名立於勞寔安之娛窮乎一晝
德著名成億年不朽可貪非道可愛非時沒世無稱君子恥之
昔在周公作爲無逸大聖猶然況非其匹

友箴

司馬溫公

余何遊乎余將遊聖人之門仁人之里非聖不師非仁不友可乎
未可不若遊衆人之場聞善而遷有過而改

命箴

李直講

宜失而失斯之謂正宜得而失斯之謂命身之不脩責命可乎
謹爾傲趨惟道之圖命之不諧躁乎則惑慎爾食息躁爾之賊
得人不言吾道孰辨臧之否之繫我之願言不以道幸其哀已
食而搖尾彼獸之恥非道而哀尚盍恥之矧其蛆益祗辱奚爲
三十曰壯聖人以立先迷無悔今是猶及早詩夜書以邀以娛
戒之勿渝天其念諸

東交門箴

剡川居士

漢武帝爲寶太后置酒宣室使謁者引納董偃方朔以爲
董偃有死罪三变得入宣室上爲更置酒北宮而引偃從東司
馬門更其名曰東交門而前史無識者作東交門箴

上所好惡民實趨之風俗厚薄民實離之道之以正民猶罔中
唱之以謠禮志所從帝子管陶在齊艾姜刑董外戚干國權常
既不能戮反以爲好爲好子宴宣室是傲偉彼目胡辟戟趨陛
驚奉是効剛而有理改館微鱗北宮東門雖曰從諫東交實存

維藩維戚禮法遂恣延及齊民惟上所使昔在季孫賞盜以邑魯遂多盜而罔敢詰知茲正宮燕人是納貽示來世有補斯闕貴也揚解杜舉得名殿檻勿謂宜百是旌人孰無過過而勿貳宣至東交實同而名異耳

視聽言動四箴 并序

伊川先生

顏淵問克己復禮之目夫子曰非禮勿視非禮勿聽非禮勿言非禮勿動四者身之用也由乎中而應乎外制於外所以養其中也顏子事斯語所以進於聖人後之學聖人者宜服膺而勿失也因以箴自警

視箴

心乎本虛應物無迹操之有要視之爲則蔽交於前其中則遷制之於外以安其內克己復禮久而誼矣

聽箴

人有秉彝本乎天性知誘物化遂亡其正卓彼先覺知止有定

閑邪存誠非禮勿聽

言箴

人心之動因言以宣發禁躁弄內斯靜專矧是樞機興戎出好吉凶榮辱惟其所召傷易則誕傷煩則文已肆物忤出悖來違非法不道欽哉訓辭

動箴

哲人知幾誠之於思志士厲行守之於為順理則裕從欲惟危造次克念戰兢自持習與性成聖賢同歸

廣遊箴并序

王堇先生

子嘗讀韓退之五箴而以游為首信乎遊之為害也方是時愈之生四十八年文章道德昭昭著人耳目矣猶自謂不至焉子而卒為小人况方進修而終日游而不知咎豈獨小人也雖土木偶人不若也因作廣游箴庶幾敗之

我思古人伊韓退之匹十有八令名已黜言訟其惡謂飽而嬉

猶曰無知小人之歸況汝庸魯才未追古年已踰冠昏昧先朝
終日安坐竟亦何補豈止小人特木與土農夫力田乃獲有秋
耕而莽鹵莽鹵亦酬紫精于勤中性易流學問無他放心知求
人誰無過貴能必改過而文之其過也大今汝已往當思勿怠
汝如不知有此箴在

勸學箴

石月先生

壯而不學莫知其博老而不學莫見其為嗚呼生乎由是死乎
由是孰謂壯而老可以一日而不學

仁義箴

石月先生

仁者天下之廣都義者天下之正塗吾非仁其何居吾非義其
何趨嗚呼仁義豈適為吾之遽廬

主一箴

南軒先生

伊川先生曰主一之謂敬又曰無適之謂一嗟乎求仁之方孰
要乎此因為箴書乎坐右且以諗同志

人禀天性其生也直克順厥彝則靡有忒事物之感紛綸朝夕動而無節生道或熄惟學有要持苟勿失驗厥操舍焉知出入曷爲其奇妙在上一局惟其一惟以無適居無越思事靡他及涵泳于中匪忘匪亟斯須造次是保是積既久而精乃會于極勉哉勿倦聖賢可則

四益箴

南軒先生

先君晚歲嘗大書曰言以詔朽弟曰無益之言勿聽无益之事勿爲無益之文勿觀无益之友勿親杓受而藏之惟先君既沒之九年則以請于某曰伏自作念大懼先以承先君之志既以四益名堂願兄追述其義將列之坐右朝夕儆戒以庶幾乎萬一其奉書而泣退而爲箴以告之

若古有訓聽德惟聰聞過以改聞善以從匪是之聞則爲无益謔言溺心蕞言敗德嗟哉勿忘敬士朝夕早商有定聽斯不惑朝夕之間何莫非事事物當事是爲君子惟欲之動則乱于爲

營營何益擾擾孰知止之有道當以放心曷喻其工履蕰水深
異說害道我則弗適浮文妨實我則弗貴而況末俗訥論理辭
當絕于前勿亂于思潛心聖賢博攷載籍聞見之多三以參
大倫惟五友居其一我觀昔人敬戒無擇以狎以比以順而同
德惟日喪友亦曷終必端爾心忠信是親神之聽之終和且平

六箴并序

万舟先生

六箴者詩人致美於君以弗忘歸之於正也頌不及而諷有
餘故爲箴粵惟皇上探賸無爲執機獨運咸五登三衆美
備矣方將迎貺自天述成基命曰時箴恢復形勝神武退讓
曰勢箴風俗攸繫孝校爲急曰士箴儲材待用以稔德業曰
吏箴邦本滋殖果於自治曰民箴富藏千國兵息于農曰賦
箴六者皆宸慮所及天道民行智十朋而弗遺策方全而有
用猶且聰明下逮巨細兼收臣欲有言諒云贅矣靖念臣向
者備員學省綴緝筆墨乃其職事上障荒遠納之無事日與

田夫野老歌詠於鄙屋之委昭鼓舞於醴雞之有天欣然意
領渺然神悟思有所薄效於吾君者傳曰工誦箴文與工等
技爾於章芥之微史與芻蕘而並錄伏惟寬其斧鉞之誅箴
斷爲六篇篇無定句各係以本意凡計八百八十三言臣無任
瞻天望聖激切屏營之至

時箴

仰觀於天唯天爲時時天之心有爲不爲適其可爲雷厲風馳
否則不可玩謀息機優而采之靜以坐持厥持謂何靜爲動基
如衣之領如網之維補天之剗理民之瘼猛非不搏蓄而用威
鷙非不擊戢而欲飛文武父子同兵異師匪後匪先商人昆夷
惟天生時惟聖是依取亂以正乎歌芟危六龍天度可速可遲
俾皇斯乘以待其時稔惡而貫天寶耆良之我壽我祚天俾思之
勢箴

三極肇分有勢維地蓋取諸坤曰順爲利不順以逆雖勢何回

土圭中則禮樂所治有嚴閑中得百之二以地為兵誰則不賈
或南或以索庸自異抗楚則天抑齊則德深為蜀障淮則吳敵
大江首尾可航一輩皇皇駁奔一心勿貳有寄南巡岳收領瑞
局為三苗洞庭彭蠡驪我天其文必有武備王謝諸人以兵為戲
阿堅百万濱為水類五湖七國餘分閑位度劉瑱細不活則偽
我皇我家夫覆一視匪勢之強守以仁義

士箴

於錄皇哉得士則重士重匪輕精以致用間之自天維下維夢
外徹數路流入滋沅弗如以學三代公共士豈不善學善之總
有一不學覆餗餗棟二綱絕維五常弛紘是故學校譬彼善種
種無不生深厭培壅維國累聖聖治有統文章堯舜性命周孔
所責亦士金玉歲貢我周非秦不辱不寵美政美俗豈惟誦
歸其後疆俎豆之勇吠則非麟闢則非鳳穆然心化學以風動

吏箴

天道貴誠人道貴守守以相失誠精在父歸餘裁閭與天先後
三載之績進德乃授雖辭亦試風雨不苟爾辟局余亦勉不驟
視吏如傳有參疾走捷於論叙三按一書重內輕外誰去誰取
嗟嗟彼才知賈速售惟辟威福乾符在手思皇能官曰斯曰熙
有平維衡有聚維斗用弗可欺儀刑乃有崇之喬獄抑之培塿
外之高明沉之側陋請措版牒資岳奇偶敢告同銓遐福爾后

民箴

維國畏民聰明自天民有喜惡天實使然皇王御民懷懷永淵
我民天民覆其天全兵念爾力役念爾田畝爾除橫賦爾蠲
閭閻周餘先民有言勞來寔集憲彼媚宣一夫不被伊尹之賢
有牧有宰況尹且千亮我天工決爾民編民樂吏利天心自旋
善人即戎則以七年生聚教訓待其息肩愷悌父母民政所先
堯舜仁壽本本元元

民惟厥初自食其力十而取一毀器聖人德田野原隰山林川澤
生之者疾用之不棘我衣誰衣謹其蠶織我食誰食移其稼積
凶則為虎心則為蠶日浚月貪誰適供億公金非私有求無得
小國爭承子產其職理財曰我豈不執極修其主職庭實祿百
惟皇之郡天邑翼翼勤則不匱儉則克克漢文之德夏禹非食
我兵不亂我民日息民之困窮為國封植法有取予道有損益
出納之吝天子是式

新刊 國朝三百年名賢文粹卷第一百八十六